



Small, faint text or a signature mark located in the bottom right corner of the page.

新刊皇心御覽

御覽

新刊皇心御覽



咸豐乙卯季秋

# 伊嵩室集

板藏望三益齋

伊嵩室集目錄

詩卷一

盱眙王效成約甫

東郊

古詩

石楠篇為張貞女作

隄決行

後隄決行

戰城南

曲江亭歌

焦山仰止軒拜楊忠愍公

遺像

眺海

觀音巖放歌寄阮梅叔明經

哀鴻辭

天馬歌

許季青叢桂招隱圖歌

上之回

雜詩七首

冬夜憶作謀材居

女兒子

王昭君

企喻歌

答吳山尊學士邗上

雙貞墓

同天石先生讌集胡默菴

少府官齋

默菴少府齋中讌集有贈

天石先生客山圖歌

珠湖漁隱圖歌為阮梅叔

作

瓜洲寄天石默菴二長官

東友

東萌少府

義囚行

喜晤汪子孟棠刺史節送入

都

奇寒

童子歸省其母詩以遣之

送洪擬莊廣文歸新安用畱別韻

送楊默夫歸湖南

有所思

大道曲

夜坐吟

廬江小吏妻

古人變歌

從軍行

武溪深行

君馬黃

東門行

蒿里曲

冬夜

詩卷二

題紫蝴蝶花館詩存

富陵湖漁歌

讀安溪全集

僧伽塔輓歌

詠史四首

老人

臨高臺

豫章行

梁父吟

野田黃雀行

思悲翁

箜篌引

邑中懷古詩八首

練時日

釣竿歌

蒲梢天馬歌

西門行

周儻廟相傳為壯士捍寇

死者

艷歌行

鄧氏山莊雨後寄子和

古咄咄歌

善哉行

鬻海篇

述懷

眺雪

雜歌

來日大難

讀瑞屏遺稿

紫芝歌謝吳丈耀廷兼呈

陳柳亭兄弟

吳門吟

遊山吟

馬烈婦行

竹徑吟

古思

借傅文學仲文東郭外看山

弔丁文學崇德

二山園居

小吳山莊

冬村

過餘亭丈村居

田舍

程文學烺山見過

慈氏山

西風

文廟

天長戴文學雲章枉過

玉環山歌弔南陵何老蒼

丈

附詩餘

齊天樂

買陂塘

梅子黃時雨

探春

玉漏遲

浪淘沙

長亭怨

臺城路

長亭怨

南浦

望梅

綺羅香

摸魚兒

一萼紅

清平樂

疏景

綠意

壺中天

南樓令

一萼紅

徵招

西子妝

惜秋華

謁金門

山陽魯

黃校訂

門人張承慶

周濬

王蔭棠

王蔭樾

王錫麟同校

王翁歸田詩

王翁歸田詩

王翁歸田詩

西子池

陶金剛

黃絲

西子池

西子池

伊蒿室詩集卷一

東郊

盱眙王效成約



四序有代運生意暢平春惠風一以散勃焉百族振天地  
 氣初交中有欣欣人東作動井陌荷鋤游氤氳胼胝不自  
 覺鼓動皆天真矧乃 聖澤洽光化久更新鑿耕具雜黍  
 婦子歡及辰所嗟瘠土鄉饑饉憂或臻汚邪地瀕淮歲艱  
 杭稻淪緬古農家言安得倡以身負郭寡生畝生計徒囂  
 塵且復樂從眾陌上同駢駢青旗導縣官來逐勾芒神勸  
 耕有特典請藉幽風陳

古詩

伊高室詩集卷一  
炎方有嘉樹蒙葉含萋萋銜華秀丹實璀璨何流離佳人  
開綺疏上接西南枝月出光徘徊照見文禽棲隻影寡所  
偶忍飢常苦噉豈不覓甘粒羞逐籬下雞鳳凰迥且遙玉  
禾誰見遺中林有積棘惜羽飛常低佳人守孤潔感歎中  
心悲  
迢迢茄下鱗渺渺雲間鷓何意不同生相知復相悅酌酒  
以敘懷殷勤爲君竭歡余結綢繆膠漆誰能別中谷幽蘭  
花葳蕤何萋鬱感君遠贈遺懷袖常披拂坐惜時序侵冉  
冉秋風發申椒豈不芳微馨易消歇願托松柏心常保歲  
寒月

閨中何窮窈窕有美如瓊英孤帷惜盛年踟躕倚前楹

寫心曲願藉瑤琴鳴撫弦未肯發所虞流戶庭春風日夜  
來婉如揚且輕蘭澤有芳馥白芷欣欣榮薄言采盈掬歡  
與子同行邂逅漢之皋士女何盈盈

故人好我久寸心爲綢繆芳草日以綠別我山之幽陟阻  
遠瞻望淮水蕩悠悠寒裳不可涉願以俟行舟惠風遲不  
發芳草淒已秋望望白日遠願子且安留人生忽如寄悵  
然心煩憂  
石楠篇爲張貞女作

菀彼石楠樹潏潏柯葉繁夫子逝已久何爲生獨存生未  
奉案食夢寐非所論願從阿姥遊識我泉下魂悲風從西  
來鴟噉入我室逝矣夫何言寸心嗟已畢



後高室詩集 卷一  
苑彼石楠樹孤華芳且潔鬱鬱生不榮地下爲君發弗虞  
長夜幽女心皦逾月節彼都梁岑精氣鬱以森清風吹逝  
波淮水流深深我行仰高躅願貽修士箴

隄決行

月黑星流空涼夜萬家靜洪濤百丈卷夢飛千年萬年長  
不醒排山堵谷崑崙倒傾狂飆肆吼滔雲震驚馬銜煽兇  
虐天吳排浪鳴怒虜噴涎以呀呷千里飛湍腥閃屍罔象  
率族徙恢疆平地縱橫行蛟鼉闌入扉爪牙攫人索肉糜  
生人何辜作鰕鮑上有滄浪之天不能飛妻從死夫耶挾  
子痛魄纍纍何以家爲茅屋秋霖莽蕭瑟有客聞之涕橫  
出青熒黯黯悲風來山鬼哀號訴啾唧吁嗟陽侯何不仁

渤蕩武陟北南崩汝潁淪陂陀妖暮作人立疾於戰馬衝  
隄奔木榿石翼摧旋輪百丈礮裂開無垠填闕若邱山風  
沙浩茫然洪滂有時涸人命無還年超莽劫兮耿何在雙  
翔黃鶴鳴青煙

後隄決行

蘭陽城老鸛夜叫秋風生千家萬室幾人在黃河濺濺聞  
哭聲操畚去泥濁泥濁高於費比鄰相邀更舉築決漭何  
處菅茅劓葺蘆辛苦縱得成更有黍地無黃犢縣官發帖  
急招氓嗟爾來歸供餽粥深巷雞犬時一嗅三月始見煙  
生屋桃華汎急河流渾金隄蕩颺秋復春哀哉洪濤噴  
決出波入波迷驚魂驛警飛報騎不停使者大發河隄兵

崩騰百丈勢莫遏積蘆安得灰效靈天陰雨溼游魂泣濟  
川有楫嗟何及飯我豆食羹芋魁零丁尚望官安集  
戰城南

黃昏月沒笳聲悲戰城南城南壯士不復宵來歸駑馬生  
渡津騰踔長鳴嘶將軍上功簿侯封印纍纍黃金廷頌白  
璧賜交衢連雲開甲第甲第朝開華譙豐滿朝爭頌將軍  
功陽烏欲墜歌管散鬼燐出沒猶英雄臨高臺以軒下有  
淮水清且寒巨鼇期不來王孫日垂竿浩歌激裂風雨暗  
老姥驚哀進一餐壯夫局脊困鄉里何地非蒙跨下耻胸  
中要有百萬師卒逢少年還熟視蒼蒼祁連山行無輦兮  
不可攀湯湯黃河流欲往濟之川無舟豐城之劍鬱鬱墮

地底榆關紫塞將安投漢帝下明詔急待非常流雲中守  
將思頗牧絕域之使須虎頭麟閣曉棄天上開駿骨詔上  
黃金臺販夫屠釣奮奇績風雲倏忽生蒿萊戰城南歌勿  
哀

曲江亭子歌

儀徵阮官保爲  
家柳村徵君作

江干沙漲巨無際翠屏古傳曲江地決瀼不辨揚子津洲  
田萬畝農耕藝中有吾宗種竹叟自守荒莊歷三世生年  
不識鋤與犁矻矻寒窗老文字茅屋陰雨秋多風金石聲  
滿菰蘆中吾自遊釣樂江國海內頗慕幽人踪曠懷耻追  
甫白後哦詩百篇常在手俯仰幸值名勝區安得高名俱  
不朽阮公愛客梁王儔訪古樂從杖屨遊兔園招邀未足

伊蒲室詩集卷一  
異特建一亭傳千秋我來正及長夏時揮扇吟眺開不慰  
淮陰賦客不復作汪洋竟有桑田期壯夫淪落嗟已矣未  
應世上無知己北海高標通德門名賢相遇常如此日暮  
亭西鴉噪槐江頭月出譙山隈對酒忼慨歌未已泠泠坐  
聽濤聲來

焦山仰止軒拜楊忠愍公遺像

于役向江渚汎汎從茲杭瞻彼夏日烈翳蒼灼何明昔賢  
有遺像言拜焦山旁筋肉亦猶人憂深痛自忘煌煌十罪  
疏老奸氣益張臣何惜一軀恫國元氣傷忼慨赴西市婦  
孺涕縱橫孰爲救匍匐祀宜並檀裳同茲山澤遊昔賢有  
餘光韋布分不同大義所共防神其或在斯鑒茲蘋藻芳

眺海

東南蕩無極人外水爲世卒歲胥風聲萬古絕氛翳自非  
日星明渾渾但一氣卉服亦自生曠天載尺地積氣洩或  
衰剝木不可濟昔聞觀海言陟隤今乃睇聖量詎有窮人  
各愜其意子胸豁以抒浩乎斯罔帶

觀音巖放歌寄阮梅叔明經

泊舟焦山東躡足焦山西長江萬里望不極潏潏大海青  
天低青山對面紅雲遮日光海氣蒸成霞瓜洲渡口晚風  
發魚龍作驕噴浪花海浮一卷石浪湧青芙蓉此身驚喜  
作槎泛不知支機何處銀河通雙峯聳翠峭千尺竹柏陰  
森暗絕壁朝潮夕汐流不去萬古天假焦公宅華陽仙今

伊蒲室詩集 卷一 五  
安在蹭蹬風塵三十載飛身合到三山顛丹鶴不來悵瀛  
海我家老屋淮之湄釣竿日拂淮上磯燈花三夕作好夢  
西風吹向京口飛拍手狂吟別峰處倚石坐看江天暮冷  
冷鐘響浮玉煙茫茫月出圖山樹人生何必五獄遊六月  
追暑來江洲姓名幾輩勒崖石區區亦足豪千秋眼底江  
山須放懷埋首鄉間真可哀蠅聲大笑醯雞甕天外安知  
一舉杯

哀鴻辭

六月雨雲祁祁七月雨陰以凄徐泗以北無駕犁禾黍滿  
地成澤陂鴻鳴啞啞雁鳴啞啞泥不飽中腸飢十十五  
五拉沓飛問君何往淮之麩湯湯百里流淮水阻且深舟  
子不來疇渡之吏不許兮何渡爲江南禾稻肥江北禾稻  
肥爾獲其穗我啄遺匪途則遠中心悲淮水東流魚上西  
我行日暮將安歸

天馬歌

蒲梢候日至詆蕩遊天間矯矯世安匹人云眞乘黃身出  
渥洼滿泥滓濯龍一洗騰晶光流蘇騷殺鈎膺鏤章心希  
紫燕矜影回翔駿輪徐動謝騰躡臨風不鳴何馴良太乙  
貺嘉瑞生此虬龍姿天子乃詔明堂歌詠之朝隨紫路夕  
舞元池黃金重聲價千里來何遲承華容與飽齧豆萁敝  
帷終惠還蔭本枝  
許季青叢桂招隱圖歌

桂之樹蒙葉含縹青瑤華秀蕨蕤芬馥揚遠馨叢叢石上  
何年生側耳恍聽秋風鳴上枝青雲結下枝飛泉流巢顛  
黃雀嗁啁啾臨崖掩曖石室留招招相待幾千載若有人  
兮山之幽八公一去林泉寒訪古君乃遊淮干間登竹西  
路遠眺紫金山丹爐藥竈雲瀾漫仙桂蒼蒼不可攀真人  
鍊形阻孱顏千年桂實誰與餐酌桂酒飯琅玕葛嶺之北  
西溪之西有故關江湖聊浪何時還高歌一曲招隱去我  
欲從君圖畫間

上之回

黝雲何掩夢望不極兮赤須之北朝那之塞蘭林日暮倚  
增慨鴛琴掩弗調隱麟杳何在度椽欒兮臨石關涼堂水

繚芰荷寒冰瓜噉雪臚所餐君乃逍遙游暑於其間翳華  
芝總錦靶蒼蚪灘虜垂雲而徠下蚪兮蚪兮爾毋躡飛鴻  
騰驤馭風怵我靈修駕矯視長都百祇迓夕弭節兮須次  
舍鈎陳弗驚紫宮峩峩長都之樂樂且那殆而歸來炎炎  
奈何攬妾裳履君卽誓往從道回惑木颺颺兮壇芴芴青  
瑩哀顛兮不見君澧有芳蘅沅有蓀金支翠旄一去何時  
巡淚灑湘江之文竹夢爲蒼梧之綠雲

雜詩七首

往哲風已逝詩書惠若春邇以淑吾氣廣則釀化醇區區  
下帷士所冀非一身時哉不我與抑塞風與塵飢寒莫自  
救愚拙愧斯人慨焉託歌詠聊用抒吾真

韓子生南陽無藉與何勃蟄蟲方冥冥文若迅雷發殫精  
注魯論自許游夏列汲汲愛士心一技獎靡輟悲哉失路  
窮乃事文章謁君子貧非病衣食亦殊切豈無吐握賢所  
恨生世末千載誦詩篇忼慨氣猶烈

悠悠宇何寬俯仰求自足以爾力所成還以給爾腹載物  
本無私疆域各有屬顏生失負郭簞食將何蓄負耒莫獲  
耕忍飢習誦讀逝將從吾好栽傾任所篤

壯歲困筦席條焉三載周一身不致謹遭疾夫何尤所痛  
廢定省貽我堂上憂牽車力弗任何以致晨羞慨然念毛  
生外得不可求嗟彼林鳥子茲生胡不猶罔極冀或報庶  
其名行修

湖濱有宋子冲抱余所欽有若惠風嘘遇物揚嘉音勤勤  
贈佳什好我寓良箴大用貴在和胡爲狹乃心堅冰有本  
性孰是鑠自尋嗟余抱陋識弗取滄浪吟足亦受所生奚  
堪濁水侵

回喟焉忘言說

太虛無古今人心釀成世醞醇日以澆擾擾濁靡旣匿意  
貌益親輾轉出異智詒善忍爲虐毒蔓萌於細厥性賦亦  
全百變鶩一利俗美思循良所貴上與義

冬夜憶作謀村居

古渡龜山北村居傍富陵湖明寒認月風裂夜聞冰高臥  
伊人遠離懷歲暮增一鞭何日往相對草堂燈

女兒子 飛向北翡翠枝巢南煙花郎不惜風波妾何堪十三學弄

三月青溪過水淨不可唾五月下瞿塘迴波白鷺翔倉庚

舟十七行遲遲常歌女兒子不識彭郎磯網魚潭畔風雨

暗采菱渡頭霜滿衣嗚聲何似歌聲苦愁殺清猿不忍棲

嫋顏守寂寞寸心灘鴻知朝朝暮暮江流去不見回波上

峽時 王昭君 南國燕燕飛二月雁北去春風滿天涯那是故鄉路健兒

學唱江南歌明妃馬上彈鞞婆妾本巫峽村邊女來從黃

華嶺畔過燕支好顏色鮮妍露華滋日出不蒙憐露乾華

亦嗟寂寞苾羅村詎少西家施美人失黃金顧盼減容姿

憶妾入漢宮自許顏傾城一着綺羅裳君恩誤一生眾女

善謠啄由來妾命輕訴君莫遣君王怒甘作黃沙萬里行

企喻歌 別我野狐川逢君鷓兒嶺白日當中天男兒七尺影

男兒恨無時鷓子恨風低有風鷓子飛無風鷓子棲

二十銳頭兒結伴交河旁樵採不同心棘刺十丈長

答吳山尊學士邗上 維百八十載景運罔弗熙備哉典文粲史氏揚厥詞乃賡

九

九

九

九

九

九

載稽首惟吉甫奚斯 宮廟有令德穆如風布之六合亦  
云遠身退文則彌草野竊有慕亦以鳴其私覩聞歌以俟  
庶或知者知嗟余生多艱矧復宅偏土一經抱孤陋師儒  
罕更覩學詩冀有獲訓乃必於古國風變暨騷非比興奚  
主漢之樂以滋斯義靡不舉逮蕭選斯失采擷資所取弗  
悖興觀言匪白厥惟甫唱歎不可接吁嗟乎大雅願學竭  
其誠賦質無乃魯維新眾是圖質之孰我與高山崔以巍  
企予惟太史少焉習厥聞奧若覩古始肅進故莫遂永言  
思觀止日載錫之章義乃感君子譬彼積石流弗遺沼與  
泚於論有鼓鐘陶匏罔棄委煌煌二百言好我最靡已謂  
若氏父篇克紹子瞻氏厥壤盛作者小子亦何有及茲荷

光鑒撫衷竊自喜仰惟今 哲聖日月方丕新窮巷固云  
未照臨靡弗臻 籲俊有特典孝弟固其端逝將采厥藝  
察始心所宣雅頌古具列濟濟宜並陳惟公備耆舊致身  
非徒文中林莪以茂斯用襄作人下士邁斯會自振敢弗  
云拳拳念嘉惠庶幾垂令聞 孤墳何崔巍崔巍南山陬之子不復作清風良悠悠何氏  
雙貞墓 有養女顏色秦羅敷小妹璧不如雙戲庭前幽可憐芙蓉  
花灼灼倡家樓人生有妃耦如何同羊牛阿姥見逼迫安  
我衾與裯少小受哺養汝身焉自由女生不識家但恐形  
骸羞姥教雖未從已辱十載畱阿姊語小妹不見門前流



淪漪清且寒兩兩飛白鷗白鷗不飲濁甯向洪波浮舟人  
打漿來驚看雙明眸可憐芙蓉花漂落溪頭立表嘉靖  
年芳草春復秋丈夫礪涉世冰雪有同憂遺徽仰未遠願  
言拜松楸可秦路漢小秋塾不暇變遊或海山可然  
同天石先生讌集胡默菴少府官齋  
春風山縣來何遲開筵坐看梅華枝常公逝去一千載官  
舍忽復聞哦詩武林長官號詞伯脫口百尺潮湧之弱年  
請纓渡江漢馬上快唱從軍詞跌宕風塵躡鳧舄更就淮  
下闢詩國扳巖泛壑逸興豪同時仙尉工吟癖坐中高議  
多雅流賤子攀嵇趨末席當世豈無綠綺琴不遇同調彈  
不深百年此會信非偶異響齊效高山音悠悠里耳誰相

尋高名李杜非所欽安得文章化喬野及今比戶知謳吟  
儒生落拓久窮伏且願相從證此心

默菴少府齋中燕集有贈

官舍午忽喧鳴鵲喜客至緒風亦已春几筵懽復肆主人  
良殷勤傾杯勸客醉燭炮氣益增雜亂吐經濟賤子寡所  
成蠹簡有同嗜落落鄉里間青領獨惟悴默感君子交喁  
于託末契忼慨識高情千載曠同寄況有令君賢談諧容  
我恣敢詡知已知庶幾獲矻礪讀書重經術枉贈斯言願

永志

天石先生客山圖歌

身在此山曾不識對門驚喜見山色瑞巖迤邐笠峰高煙

伊蒲詩集 卷一  
雲一幅官齋壁淋漓不減米家畫中有老顛來拜石脫帽  
露頂恣懽呼衫履跌宕淮之側淮浦青蒼隔岸北帆飛網  
集澄湖白山郭無聲萬家靜民氣如春樂生息臨崖坐對  
揮素琴窺人魚鳥如相欽清時幸無鞭扑擾俯仰皆荷  
皇慈深一杯醉傾竹葉酒天機暢發林泉音勝遊易往此  
圖在悠悠羊公千載心

珠湖漁隱圖歌爲阮梅叔作

蕭蕭颯颯風亂蒲嚙嚙嘈嘈雁叫呼三十六陂秋水接茫  
茫中有贊社湖湖波估客樂湖岸漁人居投竿終日漁非  
漁鰕鯉不足釣請俟明月珠欲上不上涼蟾蜍似珠非珠  
光有無莘老已去七百載何人更寫湖莊圖任公子煙波

徒塵海不樂思舊廬一嘔傲自足蘆中偕于于鷗鷺不識  
機風濤人世殊空釣意釣舟泊虛安知子不知儵魚客山  
蒼蒼淮水徂數椽寂寞吾愛吾扁舟慣放洪澤棹張翰不  
出貪葦鱸何時文遊臺畔趨濁酒醉傾三百壺左絜秦淮  
海右手招髯蘇唱我蓮東蓮西之欸乃飯君舍南舍北之  
彫胡

瓜洲寄天石默菴二長官

作客瓜洲渡開門楊柳疎園花春不斷山麥夏何如鄉思  
天中節吟魂淮上居殷勤謝江水中富陵魚  
百里吾鄉陋何人振雅騷風流彭澤令蕭散溧陽曹圖畫  
連峰月琴聲繞郭濤花前一尊酒知其念江皋

東友

高閣此吟眺知應興不疎清時萬卷在荒縣一亭如歲月  
才從老風塵願豈虛逝陰眞冉冉莫負古人居

東胡少府

窻前梅樹發詩思近何如官舍荒巖畔湖天小雪初老應  
琴興健病豈酒情疎一卷淮壖市悲歌尙有余

義囚行

吏役何惶惶堂上聞伐鼓甘泉早衙開縣官理囚簿銀鐙  
響階下一囚泣跪語囚本農家子兄弟安田圃生豈解殺  
人鄰曲偶相忤一囚哽復言此事實囚主弟懦卻畏鄰囚  
吏教撐拄失手奮一擊誰料成宥苦弟言非兄爲戾自愚

民取已輕父母身忍使兄膏斧蠢爾死不計旁觀淚如雨  
縣官不忍決還遣收狴戶殺人刑豈容至情天或子骨肉  
且相守金雞會救汝

喜晤汪孟棠刺史卽送入都

往者南園伴芳春每共尋溪雲就霖雨鷗鳥散機心幾閱  
風霜變空畱山水音巾車行更發誰與弄瑤琴

青雲莫自致安敢怨長貧眾口成孤士餘生作鮮民身慚  
太平世夢遠 帝城春鳳翥勞回首風塵有故人

奇寒

奇寒雪三日市居多掩扉荒邱有僵丐客來云瀕危我聞  
心悲冲輟糜往食之自振且罕術無乃愚可嗟力固眾難

給那忍委所知禽鳥護其類而况冠裾爲喘喘迫下泉所  
恨來已遲林木嗥悲風凍日慘不暉羣族冀各遂一物傷  
天慈我生非無情豈在知汝誰援拯手無柯睠焉空涕洟  
童子歸省其母詩以遣之

雞鳴童忽興告我將暫旋凍塗積雪滿急去心何堅來傭  
已三月有母皋橋邊主恩腹幸飽兒生未離前在家增母  
累出門思母憐昨夢顏色悴恍惚寒無氈雲生暮東眄輒  
認炊時煙一體違所屬顛倒心魂牽生孰非人子傷哉我  
涕漣院旁有隙舍爾或迎母遷豈云示慈惠役爾庶孿孿  
送洪擬莊廣文歸新安用畱別韻

送將歸兮江之汀采采手奉都梁馨淮上秋月照渺渺黃

山桂樹長青青撫弦自寫流水曲坐窻日注本草經荒城  
花鳥寂無賴敝廬我亦終年扃

送楊默夫歸湖南

美人久住淮山阿攬轡不發嗟如何蒼蒼雲樹鄉夢遠渺  
渺離思秋雨多何以贈之都梁草送將歸兮洞庭波松菊  
盤桓樂復樂請君聽取勞者歌

王子喬

仙人王子喬馭白鶴上玉霄玉霄乃有瓊華之室紫蘭房  
被服紫衣飲瓊漿朝歡投壺暮彈八琅列侍嬌如霞笑語  
安有量王子喬乃跪誦丹經矚眉燥吻不肯停削木鑽堅  
石何時洞元精仙壺好日月辛苦坐銷殊奄忽爾獨矯矯

抉天雲謁來方丈山茫茫欲誰羣風雨恍惚攫挈龍怒聞  
雷碎電鑠從芴芴玉女粲然啟玉齒殊庭何容狂道士悠  
悠眞人行樂耳茗芋天上春共醉千萬紀  
有所思  
皎皎天上之月不可攀英英地上之雪不可餐有所思所  
思海上山扶桑碧蔭滿此中乃多古眞人往還紫芝采不  
斷和吟聲往復安期生招手下來迎願同躡丹梯登玉籙  
相思鶴在陰流水出鳴琴行乃與白鹿遨呦呦而諧音海  
鷗之羣狎侮無機心不死靈藥亦易得渾沌太古之徑何  
處尋一杯酒吟且揮襪襪不省長閉扉仙乎仙乎蝴蝶從  
風飛夢裏軒騰將五嶽歸

大道曲

春風滿郊車聲揚往來塵漲官人裝官人眞大樂千里不  
齎糧士女踏春官道旁青草如雲天比長黃鳥飛交鳴和  
村村簫鼓春聲多桑榆里社賽不絕爲君唱取大道歌輕  
陰二三月園林好芳菲楊柳旣已綠桃李爭華姿桃李雖  
盛華易披楊柳青黃俄是非深巖亦有松柏樹請君及早  
歲寒思  
夜坐吟  
懸天白日如鏡明照見房櫳機杼聲挑燈札札不得息爭  
新花樣巧縱橫悅華嗜素人不同服官未識難爲工東家  
西家千萬匹如何高下由孤衷夜坐吟吟復作不惜手爪

勤但嗟時好薄朱碧眼底看迷離豈省雲錦內光灼棲鳥  
不穩嗚空枝牽牛夜中當戶垂何由持獻天孫側津漢迢  
迢知不知  
廬江小吏妻

廬江江水流潏潏中有鳴鶴悽以哀水去不復回棄妻難  
再諧阿姑勃谿情太乖阿姑情乖猶可轉阿兄慕勢相迫  
催兔絲生絕根柔蔓將安附附托得高枝奈何自貽誤代  
舍賓客有盈虛婦翁閉戶羞當爐白兔倏忽東西走風雨  
無端嗟棄子自古賢愚共如此何況區區弱女子鶩飢飛  
入鄰水淺魚何守可憐孤雁徒自愚憔悴爲奴不肯偶  
古入變歌

南山之石其罅有甘泉敲石出烈火火不可濡水不燃日  
月雖云明晝夜各有天山君嘯生風曳磨不如驢白壁大  
於斗亂流不如壺束縛由基射葉手鄙夫從旁任指呼鸞  
鳥下榆枋爭飛殊自羞何時脫鹽車騏驎漉汗流汗漫屠  
羊操刀徬徨愚公賦芋羣狙皆怒未明著衣冠區區顛倒  
太無端  
從軍行

大漠旌旗閃日紅如雲金甲卷春風二年馬上饒歌奏河  
水西流入向東  
武溪深行  
武溪深武溪不深潦霧拂鬱中烏鳶跼跼沈嗟哉武溪深

烈士重許與況是君命臨嗟哉武溪深不深爰寄生吹笛  
能作音馬革忼慨多壯心馬少遊平生鄉里語何爲感沈  
吟青蠅善飛騰薏苡變珠犀本是霍鑠翁翻爲賈胡稽嗟  
哉武溪何足悲長者家兒更嶮巖  
君馬黃

君馬黃我馬白駕車一以南一以北君馬肥我馬瘦當年  
大道中乃同奔走君馬貪噉苜蓿非是我馬行獨速上峻  
阪如上天白汗喘嘶不敢自遷延熊咆虎又嘯左有將落  
之懸石右有無量之奧淵我馬乃四顧徘徊願得同類相  
扳連君馬在何許朝戲楊柳陰暮濯沙渚何爲用相憤悵  
太行阻梧鳳無終棲巖鹿無終跽生負駿骨安容自棄捐

六螭駸駸馳未遠君馬我馬長復追逐到崑崙顛

東門行

出東門入東門東門有山高崔巍登高眺長林長林不見  
但見羣鳥歸羣鳥歸鳥鳶啄食腐肉黃鵠從何飛望西山  
西山上有土纍纍豈無董相墳將往酬之詢復非把酒不  
得飲涕下沾衣東門行歸遲遲白雲渺渺將安依

蒿里曲

古墳邊白楊之樹種何年枝葉上拂青雲連伐作桔槔材  
機心不盡還復然青燐飄忽嘯嘯煙雨不見子孫長夜惟  
鄰狐鼠擾擾百計營牢落今何許泉下人陳復陳日月雖  
明不照此秋非我秋春非我春終然不悟返其眞尊榮共

愚賤渾渾安所分借問永寐者誰子亦是當年哀逝身  
豹死必首山葉落歸故根白雲蓬蓬南海復北海出入從  
厚坤獨不見良東北乃萬物所終始之門彼芸芸兮而各  
有息人亦安能逃大渾鶴不化丁令威舟不到員嶠山赤  
松偃佺去我遠空同至道何由攀尊前歌哭人終為地下  
填荒花開落墓門嗚鵲獨何瑰魄精神千年日兮月兮雖  
已沒其光耿耿長竟天

冬夜

寒衾夜睡不肯著悄數荒街轉更棹東鄰夢壓驚呼號十  
年舊事胸頭惡山鄉地薄長疾藜病夫何從插雙腳天教  
腐腸餓不死堆牀破書拋復摸吁嗟冬夜長星照枯桑叫

獨鶴

黑窻風響裂紙碎沙羅不鳴街卒睡黏心厯碌書幾番吟  
句慣忘斗復記傳經古人骨已朽老癡枉作身後計五更  
霜下天大寒草雞亂叫苦得意吁嗟海日上誰挽隙駒卻  
東逝



東嶽  
露下天大寒草蠶鳴古詩意刊製或曰土無蠶鳴  
心耐亦半於信齋詩古人骨白沐法我亦長於此  
果感風聲與燕羽有夢不則詩空動感心  
巖詩

伊蒿室詩集卷二

王效成約甫

題紫蝴蝶花館詩存

賓州女史陸小姑嫁農家覃氏子未幾以不任操作遣  
歸女家將訟諸官戚黨助之女以義命解堅弗從依母  
居年三十餘以幽怨死女知書工吟詠其詠仙女石云  
思婦何年同幻化望夫終古欠分明春興云蜀道有魂  
鵬善哭漆園如夢蝶孤飛其志亦可悲矣友人汪孟棠  
守邕爲刊遺詩余感而賦之如此

栩栩蝴蝶花比似瓊英好朝開暮還散何用春風早少小  
倚嬌燒弄翰學文章生未出閨闈况乃野彷徨力作亦弗

辭姑怒豈所量新婦三日來未熟鋤犁忙鋤瓜必去茶青  
青何足惜犁田斷瓜蔓路旁永捐擲羅幃妾命輕安敢怨  
孤獨便從阿孃住此情長脈脈屏營綠窻下理我舊時篇  
秋月及春華入眼爭淒妍萍合亦有因妾夢太草草冰霜  
誓弗移惟悴何由老陽暉不下泉幾時照分明可憐孤塚  
畔歲歲薜蘿生

富陵湖漁歌

鯉魚落底網沈河白魚浮頭網截波大船纜下小船上魚  
不能飛奈網何

外河水比裏湖高湖上麥田白浪淘可憐漲過三百里魚  
散東西有底撈

讀安溪全集

明鑑無我心遇物隱畢證豈惟恃妙質中乃素磨瑩淵淵  
李先生超懷抱冲定誦書務審研剖疑質諸聖簡辭據必  
確源從萬卷迸義經闡庸踐書義愜尤勝非無博辨儒膠  
迹少圓映至理獲雖先要使眾心應經生講師法孰與見  
知盛裁鑄緬當時親叩 紫宮正籌律及璣衡道出千古  
負春風殿陛間嘘拂百花醒窮鄉守一編灑涕餘微聽

僧伽塔磚歌

古牆剝蝕蘚苔漬摩娑上有諸縣字傳是僧伽寶塔磚助  
役分明各地記驚睹當時虔肅生導愚想見裝嚴意妙仿  
阿育形製殊諸天神力還有無有唐靈跡最顯著重建碣

伊蒲室詩集 卷二 二  
更元人書相輪承露竟安在漚散不免成盤盪光明普放  
再見難隄決時露州城灘父老街址彷彿認遺榘已被螺  
蚌攢來往從教縱帆櫓風雨如聞鈴鐸語俯仰高下有敝  
時何況區區寄蛻所睇視重將殘塊分箭射卻憶南將軍  
臨風搔首不忍棄恐有淋漓指血痕

詠史四首 蘇東坡和蘇明 崇宮玉帶騎箕歎遺教出千古  
汲長孺 王野野強壯大要對眾心懇懇事端端志路真真

治費不苛細非高濶淨名誠能服英主氣足挺西京老迫  
鷹鷂志悲深魏闕情生時亦非古太息任孤行

嚴君平

賤藝不妨託百錢聊足餐迹從塵市溷心藉老莊安忠孝

非無意嫌汗肯遽干卻憐身後業差得子雲難

管幼安

高臥南陽外超然此絕蹤飛潛各異遇天地兩真龍樂不  
羈棲改清能亂世容未妨聖謨遠汶上自追從

徐偉長

意豈史臣識何爲附仲宣清風被北海漢代此名賢蟬蛻  
塵汗境雞鳴雨晦天河汾述中說千載兩遺編

老人

近道老人過傳聞百六旬列仙今應世萬里率朝真海  
宇風熙曠山川氣靜仁 累朝雨露澤滋長得靈椿

臨高臺

我欲長空翔鳥同徘徊身無羽翼安能飛塵氛溷溷中乃  
復有高臺佳時一聳身吟眸萬里開雙丸轉空去不息但  
覺蒼蒼涼涼萬古間愁來鑿陵瀉黃水何不驅入荒老死  
任各限乃更通舟航人生惻惻重棺斂毛羽未曾覩死僵  
血肉共此百歲軀胡獨麋鹿得氣長鱗長空際騰形肢不  
爲輕百蟲寒入穴不食亦更生鷹鳩相代候各異隱幻妖  
狐尤任意長狄偉幹亦同類廣成何道能久視曾穹夢寐  
不可通陽藹安從叩其秘浮蛆一壺釀且復灌胸頭陵壑  
紛在眼古賢逝悠悠來者不可眄長河相續流微風爲航  
元氣爲舟偃仰宇內萬變浮漚悲愉聚散誰能必空山澹  
蕩吾將與白雲同遊

豫章行

森森豫章木豫章山上生自來土所宜嘉產地以名上枝  
飛雲宿下枝垂幄青四時茂以竦朔雪冬長榮緇葉背茸  
茸夏亦扞纖英念爾本文木肌理秀天成生與粗質異非  
唯供樵荆恒思自翦伐聊充君子費可以踴廣蔭遂茲俯  
仰情亦或爲几案君子所憑肱得與心目近可以宣六經  
何意蓬棘偶獨立蒼煙冥非敢慕外賞不免樵牧驚晚材  
本自殊七歲生乃明珍重星日輝善蘊千載菁顯晦亦任  
時空谷有餘馨

梁父吟

悠悠梁父吟隴上何人知此音隱處不求聞犁種隆山岑

伊高室詩集 卷二 四  
黍梁苟幸全饋粥未妨布衣老巖谷士當困居百計愁傭  
販猶可汗不羞佩韋不覩古自砥狷急那堪隨俗使生計  
甘從甑有塵落落徒行向塵市任緣樹蔭猶可棲苟冀結  
廬得所止巖石堀礪木蔥隆澗底瀑瀉泉淙淙上有狴狴  
嗥下有狐兔踪往來隔絕空谷空隻影攀柯而眇遠沒世  
誰當明寸衷眞鑒別魚目川珍爲感悲烈烈桐材焦爆聲  
訴相知殷勤要出驪黃外仰喙塵塹長酸嘶百節之知不  
易得視心而笑胡可期博陵生潁川士相許自有二子  
管樂逝已遙高臥未肯起牧守之才各有宜所至不言唯  
莞爾梁父吟今千載思南陽之耕望徒倚

野田黃雀行

黃雀遊遊於野田間鳴嚶嚶飲泉復啄粒鼓翅何其輕搖  
願意自得生與世奚爭東勝之雀乃相追矜長不使翩獨  
飛豈知狸奴伏草底同類糾紛蹶不起堂戶勃谿婢媼謾  
詫兄弟疵生鄰舍伐家鷓持而蚌閉漁父且高歌共車推  
曳不相顧前路險巖當奈何麻裏鬱呼胸壓手昏擾左右  
笑掩口

思悲翁

月落天蒼茫五更起飲帳中笳吹疊奏壯士歌慨慷將軍  
躍馬去格鬪向沙場風聲烏烏鼓聲纍纍將軍身陷重圍  
霜刃密且重黃日慘已低餒不得餐罷不得伏將軍將爲  
足下泥一當千百創殘奮聲激黃沙漫漫敵以南軍以北

伊高室詩集卷二  
五  
挺戈突走追者追矢盡馬又傾何當來迎矢盡須當續思  
悲翁兮授我以所乘之紫騎使得歸前營角聲夜動炬火  
不紅歸途險且遙接戰千里死心誰與同悲翁乎悲翁

### 筓篔引

潮水汙汙海之湄無舟不可以涉奈何徑欲馳昏瞽觀者  
笑獨有妻心悲挽之不止漂流離白首不省事公乎何其  
癡日觀莫能救沈身累相隨哀音千古欲誰訴心事唯有  
筓篔知狐白之裘反衣負薪隨珠彈雀千金弗珍康衢頓  
茅塞羊腸走僂僂救寒被絺葛適燕轉南輪公無渡河兮  
公不遵恣狂逝兮有如此河津魯邑使鳴琴殷勤請二吏  
掣肘責其書君頗悟微意耳目何為自撓之坐令百里成

債事晉軍帥佐復不仁偏師乃獨陷楚氛中軍一以潰掬  
指爭紛紛倒裳錯履猶可轉狂夫何由返狂魂霍里津卒  
歸語房帷撫弦哀響重為寫之牽率淪胥痛奚及亂流欲  
渡者無忘筓篔悲

### 邑中懷古詩八首

蔣忠烈公祠

公名佳徵灌陽人崇貞末以舉人令盱眙有惠政捍流賊戰死事具明史同難者主

簿胡淵浙營都司王寅陳震亨鄉壯把總李枝望陳希禹伍伯陳光耀侍吏鄭漢遺民建祠以祀爭歌詠之輯

為懷  
忠錄

山半官路西崇祠貌忠烈上有古棠陰斑斑畱碧血茲鄉  
苦無城賊勢何由截逆威折境上鏖戰一身裂遺黎追殘  
軀盡是死侯活風景異山河浩氣想纓結落落數同仇共

耀淮天月

郭令君縣志

君名起元字復齋閩縣人師事蔡文勤公講實用之學舉賢良乾隆初令盱眙修舉保甲農田倉儲義學書院今遺規猶存輯廢志文獻得不墜於水利風教尤詳今介石堂遺址其禮士所也

夙慕二希堂篤志求實濟淵源及吾師遺政仰高弟汲汲

養與教五載興修備築堂禮羣彥討論具新志幽暉闡弗

遺務使風俗懿堰閘未及興尺寸規農利幹吏急五辭安

知根本計蜀郡感文翁庶幾祠廟祭

李忠端公故居

公名紹賢字崇德邑馬壩人正德十三年進士官行人以諫南巡杖死事具明

史今聚族最繁

憤激輕殺身明賢抱奇亢死諫武宗南茲實當時尙搖足

中外危土木有前創當車冀一回豈意逆鱗張冠紳嬰禍

成蓑從避大杖小臣歎無裨甘以血肉障龍葱支葉繁喬

木森在望微茫識帝心行子增惆悵

馮恭節公遺書

公名應京字慕岡萬厯壬辰進士歷官楚僉事以抗稅監陳奉罹於獄者四載

具見明史同事華銜何棟如二推官梁斗輝舉人咸卽獄中受經獄中著蓄艾編經世實用編皆用世之學迨

我朝 聖祖命儒臣采所著月令廣義定為輯要尤稱千載榮遇云

眞儒抱偉畧遺編誰從搜卓哉月令義乃勤 聖人修授

時農所資豈惟故實求談言要非虛節行振千秋一身抗

凶奄爲民甘寤投天地風霜中琅琅讀書囚晚學少匠成

跂仰空山邱翻羨執經者同時園土遊

姚訓導祠

訓導名允恭邑舊縣鎮人受學馮恭節公由明經官霍山訓導崇貞末值流寇難創甚猶草封事數千言爲根本計上之當路同官龔元祥殉賊兼經紀其喪賊復至冠服坐明倫堂大罵不屈死事見

明史龔元祥傳郵贈  
國子監學錄祀鄉賢

師非守土官安有降賊生森森明倫堂誓以頭顱爭裹血  
急草疏畱此熱血傾哀恫同官喪後死粗經營豺虎迫再  
犯吾自冠帶撻刀揮尸已僵塞屋憤罵聲義不負師教儒  
修由夙成鄉社視俎豆用繼恭節名

王烈愍公成仁錄公名養正字聖功崇貞戊辰進士歷官江西副使順治二年王師下建

昌以守官死事具明史子贊化負骨歸廬墓終身妻張恭人殉妾謝孺人守志鄉人集歌頌之篇為成仁錄乾隆中賜諡烈愍云

鷹揚肅南征頑民敢抗戰城是故君城僅以頭顱獻大哉  
聖世恩易名 褒必遍臣分固其宜用標百世勸髦俊  
誦穆如清風被淮甸節孝出忠門煌煌列家傳

周光祿墓光祿名永緒字承之順治六年進士授廣西某道十年李定國陷平樂同知府尹公明廷

死事聞贈光祿寺正卿墓在九里澗

海宇日月新思作太平佐皎皎方出山豈為逆塵沈忼慨  
誓吾民身共城全破怒罵戈矛叢勁氣湧頭墮壯志雖未  
伸凶威十九挫赤膽尹府君尸血藁同裹烽煙蕩掃平把

酒泉下賀

馮孝烈女吳義烈婦遺扁女父馮光琦恭節公裔也女年十四母徐死未葬父以故

出邀鄰郭君甫妻吳伴女夜火發女伏棺呼號婦救女出不可婦不忍釋女遂並焚死時康熙二十九年九月十五日也知縣胡應麟扁女家曰  
孝媿曹娥扁婦家曰義不顧生

父出女守喪伴宿鄰婦招夜半呼救起人驚赤爛燒風烈  
煙塞戶但聞聲嗷嗷疾呼女同出揮婦汝自逃入火固撐



曳違義忍獨拋撥灰理殘骨握臂嗟猶牢宛宛幃闥中大  
義誰所教徽音並卓絕旌門千載標

練時日

西望墓兮東望室靈之駕乘將安出深夜風滿幃輝若星  
流疾細語盼響亦猶人祇聞其聲不見身左右愕眙驚瑣  
瑣女巫涕泣神其下我我乃靈修之主人食不相關神不  
妥酒醴疊進雜浩唱靈之坐耶其聽竽簧夜將深矣靈之  
去迭送婆娑其舞洋洋靈相放悲近隔重帷是耶非耶亦  
或許望之心覬神貺不知忤靈保中弗怡讒言隱約神將  
汝旣貽清颺恍惚雲旗遠雷合殷殷怒奚返巫不余侑常  
奈何幽篁獨處巖之阿靈氛吉卜巫咸導過前修何時以

得叩孰與究詭俗之嚙呵

釣竿歌

釣竿河之滸長絲嫋嫋風吹之白日照影水漣漪終日坐  
守仰天悲夫君何在水上磯春泚生萍秋擇下樹有家不  
得還日月荒荒去朝兮忍飢暮兮風雨念子勿悲仇家正  
相苦野鳥常畏霜壯士常苦讒離襍六翮萬里誰語竹笠  
蓋頭草蓑被體覓食向鄰居荒崖自徙倚東溪有赤鯉西  
溪有黃鱔兒童瞰之無由傷蒲葦不見波流相望夏雨蒸  
騰空際翔江湖與君共彷徨

蒲梢天馬歌

蒲梢馬天上徠流沙倏忽東海隈蘭筋團麴呈異材爾乃

白日之精赤龍之媒  
鞿羈何為驅塵埃  
渴飲玉井流飢斃  
蕙圃栽沛艾當上崑崙臺  
靈產肇本從西極  
驤首何由厯  
月窟萬里直送閩風巔  
能教凡質生輕翼  
耳聽白雲謠  
手題弁山石觴詠重探周王迹  
人生得此駿足乘汗漫亦足  
快塵臆神姿不可識  
仙巖果有無攬轡不發還觀舊都何  
時遇造父為踟躕騰黃腰裏將無殊  
鈞前綴後不自騁雖  
有千里何由徂  
天馬徠行徐徐徐徐為爾歌  
太乙之況當非虛

西門行

朝出西門暮出西門  
西門路萬里何以到崑崙  
芝華何陸離  
仙巖白雲側靈根本白石上  
生風吹一歲長百尺石欄

輓轡轉汲井北山岑  
只知水可飲不知繩路深  
虎子英英戲騰嶺  
鬼但覺風生誰識獸  
在黃河九曲積石飛湍  
洛陽壯士隱策治安

周儻廟相傳為壯士  
捍寇死者荒略難稽  
邑乘文何年義烈僅傳聞  
江湖曠朗時清久古廟空山  
掩暮雲

豔歌行

豔陽三月初園花何  
粼粼葉底萼猶含輕風吹  
不已芳菲惜盛時常恐流  
光駛風迴非故春華落難  
再起婉孌十五餘獨處誰  
家子織錦不停梭經緯勞  
素指百花樣多端一寸衷  
裏寸衷拚何時纏綿絲未  
理攬鏡默從容未許眾

心擬生不識駟車陌柳徒為爾

鄧氏山莊雨後寄子和

早雷送山雨驚鳴春散空三日不出門綠滿巴山東澗口

積新溜水色明篁叢芳草引閒步石徑尋幽蹤故人昨共

來看月東岡松海月圓未改念君溪山重煙景發清妙吟

懷疇與同孤行不見影悵望花前風

古咄咄歌

咄咄復咄咄榮華良可哀昔來棗初赤今來林木摧弱流

清淺無定時海上仙人多悲思周馳閣道築未已牛羊已

牧驪山陲洛陽游客何翩翩父母擁篲不敢前六印持歸

動鄉里陌土如雲看季子當時意氣干青雲蕭條卻笑繩

樞士人生勢位安有窮高極但惜多秋風薜華朝榮暮更

落十月始寒無夏蟲宵行耀微明生死腐草中回翔萬里

入寥廓何如滄海之雀赤翅

善哉行

今日復何日絃歌清且長客起相勸酬主人壽千霜灼灼

玉案杯鑿銀黃金為室斑璊上謁木公著青裙燒鉛鍊

汞得上真芝草何續翻靈風吹若木雲漢本無波是誰亂

使濁有獺有獺在河之濟昔昔飢鳴鰕鮒大愁苦黃雀銜

花來穿我檐隙居雀多室當壞君子意何如

鬻海篇

坎盈坤缺濁函清柔火燥水亢共結形澹飲水液食水精冶

水致金富乃成斑何珣璘璧瓦  
庭童歛女舞揚且輕銖析  
貨財千億贏我峩巨艦江淮熾  
戕風竊發舫迅征買霜帶  
雪疇所令愚氓覬利憤厥生  
刃爲命吏莫撓晝習拒吏  
夜劫行方今寰宇歌砥平地  
十八物眾時錯吏榛棘往往  
潛勾萌青紫雜論庶有經水  
蒸釜心澍甘且靈普澤九鴻  
塵弗驚  
述懷  
志士冀有爲百年虞日駛奈何  
方春時風雨苦不已孤生  
二十餘三載困藥餌扶持累  
衰衰母忍涕視宿鴟作怪  
嘯驚惶中夜起賴有吾友賢  
忙時繼菽水此身生亦微所  
全在人子遂令溝壑軀人活  
心聽視冥報知何期高義振

鄉里

晨接尺素書我友次揚州此邦  
風雅尊憤悱思一遊江皋  
遠躑躅前旌已回舟叩門非舊  
識忸怩壺餐畱一卷謁李  
膺咫尺阻以修行行陟絕嶼  
揮涕滄江流莽蕩孤鶴飛何  
處爲林陬同學滋笑口蹭蹬還  
歸休  
風人重禦侮余獨寡兄弟哭姊  
淚未乾孤侄痛天殫悲吟  
物亦傷苦莫回俗意解患懼轉  
激誰其敦夙誼隻身困維  
谷顛倒卒難避壯氣憤人遏狂  
發身復瘁長淮波怒騰虐  
風凄以厲數口兀漂搖閉門  
孤寄  
友教竊升斗江鄉從遠徂人病  
缺親養傷哉歸已虛棺衾  
仗弱婦草草難久須跼踏尙  
世棲毋乃魂不愉倉卒就先

隴百口塊守居常時母盼歸今不聞兒呼空山暮狼悲此  
身將安如

市東有老屋往來昔所鄰納錢許質我且復棲昏晨掃室  
布几榻蓋鹽聊雜陳母昨失女居對此彌愴神骨肉既蕭  
瑟妖豎翻頻親積疲疹易入寒熱纏我身食息嗟多乖撫  
我今無人學子遠見招重踏蕪城塵遊天忽悲  
霜落天漸寒賓羽南飛肅薄歛賣賦資余亦返淮曲長官  
慕騷雅躬勤下白屋密邇禮見延不往辭安復魏門眾讒  
爭強居神局促相知憤不厚蛻身自歌哭坎墮骨匪柔宜  
受羣愚辱六籍安可廢艱苦粗自治  
勤客叩門問我何所師南方

有康成墳典究無遺屬切皆英賢授札勸從之我聞古儒  
尊叩鳴無吝施貌謙情罔洽奧淺誰能知連蹇還卻走無  
端客我欺旱風撲面來頭上蒸炎曦惶惶十日程踪跡遭  
傭嘗此行幸不病聊作看山思

不習易致怪有美貴善藏賤生無所用強躍真不祥悶悶  
外罕著久或人所忘售書覓錙銖且免飢寒傷閱多氣斯  
定患至甘如常凜凜風雪中棲雅寒且僵拮据從所好一  
編常在旁敗慕小子言彈琴歌慨陳庶免外慮干壤室聊  
相佯

眺雪

晚姿降何奇太虛精偶結迹壓萬嶺上碎令山秀奪至聲

寓於希因風性逾烈平施任所遭夷險久奚別資清卒返  
眞豈懼爲世涅要使滋枯萎暗益羣生活羌余臥其中三  
日戶常閉陟峻晨獨眺顧影益孤絕一白亘無際頓覺塵  
翳澈孰知積微成輝乃競日月

雜歌

前軒數椽足休息葵菊繞階岸秋色割宅暫從寢竈移紫  
煙薤水相侵欺物華由來自滋累童稚亂折應無辭池蓮  
畹蘭得地長爾獨何辜依福壤

郭東朝出騎短驢得得頰覺宜病軀看山涉水快相狎猛  
浪一跌汗泥塗石路嶮巖罕人跡欲奮蹉跎手無策男兒  
出門不知愼苦遭蹄齧嗟何益

局促斗室身常留朝吟暮吟咳不休病魔久困避無地肺  
腑反皆爲我崇活人千歲之本肥靈巖夢想安能飛風兮  
雨兮夜何酷隻影庭階空躑躅

端溪老研謝彫飾展轉闐闐認凡石碌碌終歲伴塵席脂  
汗垢積少摩娑造物顛倒詎能測我聞瑰奇貴自珍不遇  
但當保爾眞胡爲斷斷較世人

來日六難

來日不可期善計無千年思欲遊名山窈窕尋洞天  
下臨千百尺福地塵迹捐石扇雙局不一開開時乃有眞人來  
黃金三重堂玉柱銀作階火齊懸日月璃琉如案排仰視  
石乳滴俯聽水樂諧但恐淫濕蒸霞裾坐莓苔道體久焉

託石宇將自摧夜臺黯黮會否殊驪山之錮嗟何如仙人  
縱有禁水術何為深從鼃鮒居讀瑞屏遺稿

士只憂窮死多財亦殺身豈全關物累不合作才人風雨  
東陽夕冰霜北地春燼餘一編在哀怨向誰陳

紫芝歌訓吳丈耀廷兼呈陳柳亭兄弟

丈人靜者篤契於余偶得奇葩手贈

一本詩賦詩見贈屬為和之感激雅誼遂有此作

南山山谷復且連有草秀發蒿叢邊紫雲朵朵吳姥墓吳  
翁撥之盆中妍搞本贈我烹流泉病妻吮啜含芳鮮清腴  
絕勝南霍茗土德深厚陰所延翁乎翁乎壺中仙山靈報  
之引大年憶昔曾詣陳氏宅居在二山氣蒸鬱拖密之山

宅後青積歲勃有朱柯茁陳君兄弟先澤深吁嗟三華秀  
茲岑醴醴我今親復試異植果信非虛探巖處頗聞塵轍  
掃長歲療飢餐不少鄙懷久厭朝夕謀采采欲學商山老  
鹿侶得食鳴呦呦千載相從物外遊草根他時獲就隱祝  
翁還誦紫芝謳

吳門吟

海月蒼蒼隔煙樹我家莫釐山下住先世寄業淮之濱展  
轉長為淮畔人鷓鴣翥向南何日吳門路汶港人家曲曲  
通扁舟穩臥任來去乘興探幽鄧尉山如雪梅華萬樹看  
穹窿楞伽眾峯接翠微深隔塵踪絕晴暉弔古可中亭山  
頂茫茫萬頃青太湖中有碧螺露指點東西兩洞庭季鷹

伊高室詩集卷二  
頓欲純鱸負歸來鶴裔誰能識支硎足靜棲會訪高僧跡  
養鶴澗猶存清修學胎息南里東園居是非餐芝更擬老  
人歸山谷可終眠霧隱何須擇徘徊先隴旁魂夢長相憶  
淮上古稱吳北涯倦眼一編空自開季子風流叔氏教不  
盡千秋俯仰懷  
遊山吟

秋風閉門人漸老佳日幾能踏芳草細渠卷石步步留閒  
飛且愛隨嘯鳥我本皖歙人不識皖歙山芒鞋莫遂向平  
志林木一隅聊獨扳蕭艾紛滿前那使傷局促胸中畫本  
藏眞賞時在日江淮千里稠人煙南嶽諸巒鎮其顛大龍  
蒼蒼極雄抱遠控洪湖一氣連龍眠一支清且厚薪傳脈

衍稱文藪巉巖勢同獨秀尊沈秘足使英華剖白嶽江以  
南天門石室有人探隱隱黃山在雲霞炫奇彩峻絕天都  
峰最高曠覽能教塵境改陵陽秋浦亦勝區區浪吟高遊人  
有無落落清風曠千載牛渚江心月不孤興酣懷古咽清  
笛斜陽影裏天蕭瑟人生行路亦大難廿載風塵淚頻滴  
君不見春蘿秋桂滿巖隈淮市門間歸去來

馬烈婦行

爭秋炎暉雨不灑飢燄燒胸面如赭戚姬三五來堂前咄  
嗟苦迫何爲者衰服娣懷有嗣雛生當爲夫守田廬強食  
人世知何益鄙志應共明區區鬼伯太無情庭蘭向秋萎  
閉戶繩自垂速下見夫子九里澗北流潺潺蓬科屹近甘



伊蒲室詩集 卷二  
家山行人指點題貞石長此清風共往還  
竹徑吟 竹徑吟 竹徑吟 竹徑吟 竹徑吟  
仲蔚宅邊皆蒿蓬我欲竹裏一徑通萬个扶疏漏日影憑  
窗面面來清風脆鮮筍味日堪食落葉烹茶掃便得苦叢  
自是可潛身長者相尋綠煙隔

古思 古思 古思 古思 古思  
甘泉沃內熱感念在心知衣垢澣濁波展轉無已時  
際危滑遑辨路旁茨藤蘿強藉手所慮刺沾衣刺衣猶可  
卻路舛將莫追萋萋芳草碧沾沾雨露慈君子豈忘惠厚  
望難爲私願言勗古義永好以爲期  
偕傅文學仲文東郭外看山

古壤我不知但喜看山勢圓阜脈中承蜿蜒外環翠草木  
暖森秀遠川互明昧勝聚可以家寂寞棲餘蛻吾友蘊藉  
人兢兢力生事怡居讀我書外慕甘獨避卽今六十餘委  
心逝無累闐然寄空谷魂夢任高寄他時蘋藻芳知否故  
人涕

弔丁文學崇德

吾徒愛結交反復何可料契闊迹如君厚意猶年少方擬  
來日長不謂中相弔彷彿故人存徬徨宵月照君本生事  
艱闔廬况蓬漂孰生不有歸身後苦多懊冥冥洪澤遠老  
子山青峭遙挹清風來增我平生悼

二山園居

北從山磴下谷底皆蔬圃栽灌百餘家籬舍各成聚擔負  
市頭同炊煙散亭午有無亦不齊靡弗歲辛苦我來日備  
餐朽骨幸未腐暇時步林曲愛共斯人語繁僻則何有風  
氣因人古草木意欣欣太息此中處

小吳山莊

中田有茅村斜接橋南路豈料病餘身得就此間住簷鳥  
歡羣遊遑擇繁陰樹隴陌不辭勞但冀飽晨暮百歲知何  
如且共妻孥聚夜來魂夢搖歷歷里門度

庭前數弓地縱橫理爲園山妻聊自遣不惜荷鋤煩秋來  
迭微雨菘葉青翻翻况乃井臼操幼質甘素寒果能遠塵  
累野處奚所艱區區蔬布節相與勵晨昏

冬村

山村已冬早皓月上庭隅牛臥天初靜蟲寒野亦無蕭閒  
稀過客空寂稱衰夫市屋應將棄終焉谷草蕪  
過餘亭丈村居

田穫今何似童孫嗣荷鋤不勝高臥意未改丈人初竹樹  
栽應密傭耕課莫疎辛勤好相勗我得近村居

田舍

半世塵囂裏今來田舍幽雲流山出沒風轉野春秋古處  
乾坤曠農家歲月優此生百年幾簞笠任天遊  
程文學煥山見過

正是西風迴騎驢客見尋晴農忙稻穫秋野接場吟陞白

仍餘水村黃忽遠林盤殮相話久懃歎念頻深  
慈氏山

慈氏山根淮水旁手攀一樹認枯楊低徊應有千秋在此  
是當年風雪鄉

西風

黃葉蕭蕭村樹疎西風客思廿年初夕陽原上牛羊叫白

首王孫望故閭

文廟望江劉小茗先生集眾增修未就而逝夏循陔吳履齋兩先生爲繼其事工乃畢舉

鼓鐘淮上鳴宮牆何煥哉麗日本常輝復此新霽開堂皇  
外岿峯俎豆中崔巍泰壤增何有振茲末俗頽緬彼劉夫子羣彥多所裁俯仰長者遺足繫學子懷繼起增式廓煥

然光離離春風廣所被庶幾蘇寒萎

天長戴文學雲章枉過

問叟笑相呼有客叩柴扉啟扉出卻立乃是故相知蹉跎  
嗇良遇各已蒼見髭君家累厚澤岸藉前朝遺令弟國器  
選衰然挺英姿足徵興未艾君乃散其賞蕭然作詩人雅  
音獨自持懿德有同嗜未或孤詠非庭前芳樹綻清風來  
遲遲午餘簷下坐慨焉誦君詩

玉環山歌弔南陵何老蒼丈

欲尋空山此卽是曠無人居瞰淮水何丈讀書曾見招曩  
築精廬應未圯戴巷近有蘊山翁游學相結來幽踪學慕  
紫陽愛注易一卷寒炎手不釋關情未學隱拳拳昔屢臨

存今痛隔海內不少詩書鄰篤嗜如君有幾人迢迢江岸  
飛鴻斷臥看青峰倍愴神

於空山出曉長湖無人試問到本何支蕭書曾具詩彙  
王嘉山澤中書刻何李在友

數千曾教下坐聽為齋悟每  
音聞日壯精神亦同製末如麻痛非國前夜樹勢雷風來

發遠然其五矣空只婚與未艾後代燈其骨蕭然亦奇人兼  
齒其與合口口養只邊香來果氣對以詩而陣鼓合策國器

問車笑出和音各即朱氣飄飄風出俗亦以具若勝吹製  
天且輝又學更首升殿

附詩餘

出樹茶香戰餘麻將若姑時贏抄書交奈與

齊天樂 清心亭看月意略爾夢歸野到雲龍

紫簫吹徧涼雲醒娟娟桂華飄景露石怡秋泉亭沁醉看  
月還留峯頂危欄試凭早冷徹吟懷二更風緊極目冰壺

此身疑在廣寒境 江山如許逸興笑歡游底事蘭燭愁  
燼碧海長流青天不老但少閒人銷領何時更省且照我

歸來紙窗幽寢曉漏沈沈夢回銀漢迴宵雨墜非何人共  
買陂塘 去城南三里許有山塢極幽邃居人數

百家皆業園圃黃花散金闕以桃柳暇時偕二  
三友人由谿口放棹而入觴詠極酣頗適幽趣

賦此曲以誌買山之約

隔山家綠楊千頃濛濛谿口遮徧離城共說無多路春色  
自分深淺風信轉蕩一葉蜻蛉來趁桃花便清游未倦更  
萍岸維橈菘畦覓徑吟思幾回遣深宵雨翠韭何人共  
翦鄉園清味堪戀傍湖多少閒風月祇有軟紅少遠酬冷  
願待抱鶴攜梅移住逋翁眷奚囊檢點算老屋三閒幽鄰  
許負怎似濁醪賤

梅子黃時雨

曉寒

蕉雨聽殘問窗暈嬾紅曾否晴意卻賸夢纔醒煖雲銷被  
待卷湘簾花事老碧陰釀作閒庭水鶯知未已似早秋新  
起情味門閉茶香煙細祇微涼最好羸付清致柰瘦過

春光病懷須忌翠袖嫋嫋修竹外不黃昏也愁孤倚梅風  
起換將一番天氣

探春

窗韻鳶風簾霏鳩雨漠漠梨雲驚冷芹澗羹香杏帘酒熟  
恰好泥人幽飲便換輕衫去柰花底餘寒成陣一春已過  
清明何時銷遣游興苦被黃鸝催引祇如此谿山怎堪  
枯聽橋漲晴波柳吹豔雪不似騎驢風景算幾番吟趣合  
輸與屐痕裙影鎮日閒愁藥欄還伴孤凭

玉漏遲

秋翁約過九峯艸堂夜話至三鼓始歸

漏遲深巷窈幽眠熟否彈屏人到重翦疏鐙共話尊前懷  
抱幾許風烟往事卻話到淒涼都少情暗惱窗邊竹外秋

聲來早。白髮兩兩相看甚。落王郎而今年少青眼高。  
歌怕負浣花詩老。衫裏年時倦舞。且漫聽荒雞催曉歸路。  
悄依依素娥留照。

浪淘沙 聽九峯老人談蜀道舊游

風月老游仙。南國羈眠。英游無限話當年。馬上棧雲看不  
斷。搔首青天。千載思茫然。我寒氈。夢魂都化錦城煙。  
煙路濛濛。驚又醒。多少嘯鴟。

長亭怨 夕陽

記曾入隔花深塢。一片花光。總無花處。賸有晴痕。柳陰陰  
外。漸銷度。玉顏何許。算怎向。雅邊認取。艸色淒迷。應不似  
前番庭宇。試住聽。聲聲風裏玉笛。又還吹。莫明烟淡雨。  
盡描出可憐情緒。怪生涯直恁匆忙。日日黃昏歸去。還  
怕見新娥。化作愁紅千縷。

臺城路 晚鐘

林邊催散斜陽景。悠悠數聲初動。徑古無人。庵荒甚處。慣  
是西風吹送。黃昏乍弄。正繁鳥爭枝。倦雲栖洞。悄隔澄湖。  
一番清應。晚山衆。山僧未應解領。和晨魚。午板都是清  
供。冷韻延霜。疏音逗月。敲破幾人醒。夢塵懷種種。問何日  
禪牀暗。鐙銷共無柰。悽聽夜深衾更擁。

長亭怨 重過九峯艸堂有懷昔游

看長日抱琴眠。處滿徑桐陰。翠深深。護梅子黃時。小窗吹  
過。嬾涼雨。春光何許。聽隔柳黃鸝。語莫負老懷孤。且共領

此閒幽趣 疑佇悵零星壁粉半漬酒痕詩句歡游如晤  
總回首夢華難據門外繞一曲煙波賸三兩野鷗來去待  
重倚危欄早是斜陽催暮

南浦 春水用玉田韻

天上畫船來望空濛一片綠雲沈曉曉日乍晴時窺險影  
誰把纖塵齊掃殘紅數點桃花漲比前番小覓取仙源渾  
不似眼底都迷芳艸 分明流去春光卻春愁似水何時  
纔了消盡別離筵斜陽外慣是催人頻到魚茫雁渺白鷗  
無語東風悄賸有相思纔幾日添得蘋花多少

望梅 蜻蜓

晚紅盈陌算蜂邊蝶外更誰相識幾樹正纖翼飛飛似翦  
就冰綃翠痕猶溼小綴梢頭悄不許花心知得甚游絲半  
縷簷角低颺慣礙芳跡 斜陽漸醺艸色早濃添醉興去  
來如織看釣港已歇蘋風還愛向絲邊伴人孤立款款心  
情怕點破一箇澄碧問何處小舟喚取柳陰誤覓

綺羅香

子和貽豔江鄉遽赴春試報罷後復爲

淮塢之游都梁香艸忽忽泥人爰賦此調之  
鬢景搔塵衫痕浣酒千里征鞍初卸勝侶閒攜重訪玉樓  
春價看一笑掌上還逢多管是雲英羞嫁算今番輸與靈  
心蛾眉自仿淺深畫 幽瑟別恨幾許總向綠窗細訴錦  
箋交寫鳳子飛來慣被游絲縈惹還記否桃葉江邊甚情  
緒會初離乍待依依曉夢尋郎枇杷花影下

伊高字三詩會  
四  
會心摸魚兒去秋放棹城南遇花船載杜鵑一本爲  
交真晴村封君買得今春盛開爛漫如雪余訪之則  
殘英滿地臨風悵然別後幾時向  
記扁舟五湖秋色風流還載西子死央好夢知多少壓損  
半匳凉水愁望帝賸一點春心託與盈盈裏雕欄倦倚喚  
雙槳迎來紙窗竹屋畱伴老懷醉東風信開到繁枝第  
幾月明簾外香細多情欲問消魂事一抹但餘清淚還怕  
是抱幽恨年年故把明妝洗重門自閉更載酒空尋不如  
歸去惆悵鳥聲起

一夢紅  
子和於二月自京口始來流連未幾以  
事奪復去同人餞於九峯艸堂各賦律詩爲送

余贈之共是王郎拔劍歌尊前風雨悵如何會  
逢春莫歡游少生隔江天別夢多子和讀之愴  
恨而去時余館於借綠軒卽子和讀書處也月  
夕花晨尤不勝室邇人遐之感因賦此閱寄之

冷花梢看春光褪盡鶯伴總無聊柳港哦烟松畦醉月舊  
游何日重招悵夜夜江南夢遠隔相思人也似金焦天末  
孤篷雲邊雙鯉空盼回潮歡聚前番纔幾祇枯琴瘦研  
牘伴疏寮旅味諳君荒經誤我年時都是萍漂算縱有人  
生綠鬢向風前禁得幾回搔待到巴山夜話依舊魂銷

清平樂

綠楊庭戶過陣黃昏雨曲曲欄干人怕撫尋徧東風沒處



記從聽得嘒鶉斷腸銷受年年自是桃花太豔不教留  
過春天

疏景 弔玉娘墓為夢塘作

寒尊醉月悵烟痕玉景幾時銷歇寂寞荒崖渾是嘒雅幽  
夢而今應怯仙裙賸有春風迹莫再化人間癡蝶但年年  
香艸叢生鎮日為誰愁結 回首可憐舊院碧車自去後  
松下淒絕幾許歡游會伴多情北燕來時猶說用本生成  
便是多幽怨總不肯琵琶彈徹看杜郎眼底重尋那有綠  
陰時節

綠意 芭蕉

山窗晝寂怪參差弄景勻紙成碧縹渺青鸞幾度凌風修

尾自還憐惜仙姿不受人閒暑更化作涼雲濛密看午餘  
覆徧欄陰夢裏許誰偷覓 猶認天寒倦倚翠綃恰愛向

庭院清立柰恁幽妍冷雪空知莫問畫圖消息秋心鎮日  
渾難展賸一紙相思無跡但夜深淒淚潛潛雨過荒階聞

滴

壺中天 宿栖雲庵

繁塵吹淨任蓬壺深鎖閒天沈綠煙外孤筇人慣到野鶴  
相看都熟蘿蔓搖風松花墮雨徑古通幽曲山童驚問叩  
門聲亂飛瀑 底事別院重尋羽衣不見藥鼎生秋馥磬  
響黃昏壇更靜冷伴歸雲栖宿棊倦鐙吹酒寒窗閉夢聽  
蕭蕭竹海天雞唱石樵招過巖屋

南樓令

殘夢笛吹醒樓頭倚醉聽聽梅花訴盡飄零懊惱病懷禁  
不得抵多少雨淋鈴何處想淒清孤舟宿洞庭和風前  
冷雁無情一曲未終山月上人不見楚峯青

一萼紅 秋海棠畫幃

泥人嬌怪秋娘鏡裏情緒太無聊錦屋幽藏素屏倦倚何  
時吹上生綃祇都是愁脂恨粉把斷腸一一替重描燭影  
沈時月痕上處畱並春宵觸撥嬋娟舊夢記畫欄陰護  
那曲曾遭翠袖禁寒紅冰怯午好春八月猶饒一名八柰  
眼底相思空切任是花是淚總魂銷添與案旁清灑判盡  
香醪

徵招 遣懷

西窗一枕槐陰夢慙慙又還驚醒幾日雨兼風已苔荒門  
徑水流花事冷更人泥清愁成病濁酒浮殘素弦敲徹此  
情誰省荏苒十年時空孤負湖山許多佳興生計笑楊  
花總依人不定一鐙青欲燼祇長向夜深銷領展蓉鏡悽  
悄相看怕早添霜景

西子妝 訊書巖病

門響淒風梁凝落月夢醒俄成搔首故人消息一番來早  
驚心病添時候清貧似舊料不是春光惱瘦抱孤懷向客  
窗悽坐怎支長晝還知否秋雨文園我亦年時又酸辛  
滋味藥鑪邊共寒氈儘多銷受長亭別後偏憔悴雨邊疏

柳問尊前何日離情補就

惜秋華

老藤軒看菊

山館幽尋看藤英落盡秋閒庭宇晴蝶不來疏疏冷香何

處破籬賸有西風把一夜濃霜吹聚愁緒任淡月疏燈屏

縑描取吟屐漫歸去趁荒汀蟹熟早酬新句尊酒乍逢

花淡如人無語年年此會重陽偏長是黃花如許知否抱

幽懷怎傷遲莫

謁金門 雪夜

風陣過一碧谿雲繁鎖萬樹梨花吹粉墮峭寒天凍破

孤雁淒迷似我冷夢無情愁作寂寞山陰挈夜舸隔灘紅

點火



